

Universitätsbibliothek Paderborn

**R. P. F. Bartolomaei Salvpii Ordinis F. Minorum de
Obseruantia, Lvx Animæ Ad perfectionem anhelantis ;
Opvscvlvm Insigniter pium, et perfectionis studiosis
neceßarium**

Cambi, Bartolomeo

Coloniae, 1606

Suspirium secundum petitionis.

[urn:nbn:de:hbz:466:1-50816](#)

412 TESTAMENT. ANIMA
quam in hoc mundo: omnia etiam
opera, cogitationes, & actiones
quas possent infiniti homines, tor
quot tua omnipotentia creare po
test, agere. ita ut si possem, vellem
omnia eorum opera bona cum ea
efficacia quam tu maximam com
prehendere potes, cui amore, per
fectissimè facere.

Et ne multis: offero tibi meip
sam ad omnem angustiam, tribula
tionem, aduersitatem, desolatio
nem & derelictionem animæ &
corporis, eo modo, quo tuæ sancti
simæ maiestati amplius placet.

Offero denique tibi, & Patri, &
Spiritui Sancto, omnes labores, &
angustias totius vitæ ac mortis
tuæ: omnia item merita tua, & B.
matris tuæ, & SS. Angelorum, &
omnium Electorum.

SUSPIRIVM SECUNDVM
petitionis.

Adhæc, ô Domine, quotiescum
que suspirando dixero: O D O M I
NE A TE PETO: hicq; substitero,
cum

PARS SECUNDA.

tum cum tota efficacia cordis mei
omnia infrascripta pro me & pro
alijs petere intendo.

Primo ut mihi concedas cuncta
in oratione Dominica à te nobis
tradita, contenta.

Vt mihi peccatorum meorum
veniam largiaris, meque ab omni
peccato præserues, ne deinceps di-
uinam maiestatem tuam alicuius
sceleris admissione offendam.

Vt dones mihi cognitionem tui
ac mei.

Vt omnia dona Spiritus sancti:
omnes virtutes Theologicas & mo-
rales: præcipue humilitatem, obe-
dientiam, paupertatem, & patien-
tiam, & quicquid animæ vel cor-
pori meo necessarium est, aut ad
eorum ornatum spectat, largiaris.

Vt omnes homines illumines,
maxime fideles, eosque adiuues &
conserues in tua gratia & amore:
speciatim summum Pontificem.
Cardinales, Episcopos, Religiosos
& vniuersum populum Christia-
num.

414 TESTAMENT. ANIMAE

Vt omnibus fidelibus viuis, & defunctis, paréibus, cognatis, amicis, & inimicis, benefactoribus, & omnibus qui se meis orationibus specialiter commendarunt, aut quibus quocunque modo debitor sum, succurras.

Vt peccatoribus criminum suorum indulgentiam tribuas: & probos in bona vita conserues.

Vt mihi totum quicquid habes, & quidquid es largiaris.

Vt mihi gratiam, omnes Angelos & Sanctos, beatissimamque virginem Mariam matrem tuam imitandi dones.

Vt me tibi quatenus homini perfecte conformes: & quatenus Deo tecum, & cum Patre, ac Spiritu sancto indissolubili amoris vinculo vnias: meque ad altissimum perfectionis gradum, ad quem creaturam aliquam pertingere posse intelligis, prouehas: Hæc omnia tam pro me quam pro alijs præfertim tuis ac meis specialibus petere intendo.

SVSPL